

吉安府泰和縣知縣潼關楊訢重輯



人物志三

列傳

明

郭子瀘 王宣 獨孤樂善 曾泉

李崇湘 李信圭 嚴頤 蕭鎡

羅本 蕭暄 曾暈 蕭璉

龍文 段纘 陳宜 劉錯

泰和縣志

卷二十一 人物 列傳一

王儼 蕭彞 楊煥 曾蒙蘭

羅俊 尹直 楊琚 羅用俊

康驥 王用 羅璟 蕭禎

張達 蕭蒼 曾望宏 龍伯熙父士

曾彥 廖陞 曾追 羅欽順

陳鳳梧 劉訥 鄧鼎 羅欽德

羅欽忠 劉鴻 徐威 歐陽雲父雍

周尚化 胡行恭 王貞吉 歐陽席

曾顯 歐陽嵩 張鐸 歐陽鐸

鍾卿密 樂鑣 劉魁父啟 王思

歐陽德 歐陽瑜 郭應奎 歐陽閱子况

康良材

蕭興賢

胡堯時

王貞善

子一俞視

曾翀

蕭祥曜

曾籥

朱裒

陳昌積

曾柝

楊載鳴

楊海

歐陽紹慶

蕭廷

李盤

子渴

王錫理

康用光

蕭端岳

曾于乾

鍾高士

王彥臣

張時謹

歐陽誥

李穆

歐陽塾

歐陽乾元

王宗尹

王宗徐

劉逢愷

曾于拱

歐陽烈

王如瓚

子一乾

王託

胡直

郭子章

楊寅秋

楊寅冬

馬象乾

曾汝召

蕭基

楊嘉祚

溫晁

匡元滾

蕭士璋

弟士瑒士珞

泰和縣志

卷二十一 人物

列傳二

康承祐

高應崗

中

曾珪

父任

周克超

蕭廷對

曾裕

楊仁愿

曾大奇

蕭子建

羅惟善

廖應宣

彭鶚

曾世忠

李之梁

羅守鑑

龍嘉震

李時獻

康穀

歐陽鵬

明

郭子瀘楊村人以貢中應天鄉試洪武丁丑進士授行人

清慎明敏善於其職綽有能名

宏治志

王宣字倬昭南富人舉洪武己卯鄉試學行醇篤為士林

所推重終慶府紀善

宏治志

獨孤樂善西廂人由庶吉士歷任刑部郎中居官三十餘

年以廉慎自守

宏治志

曾泉字本清求紫巷人永樂十六年進士選庶吉士改御史宣德初都御史邵玘甄別屬察泉謫汜水縣典史卒正統四年河南叅政孫原貞上言泉操行廉潔服官勤敏不以降黜故有偷惰心躬督民闢荒土收穀麥伐材木備營繕通商賈完逋責官有儲積民無科擾造舟楫置棺槨贍民器用百姓婚不給者咸資於泉死之日老幼巷哭臣行部汜水泉歿已三年民懷其惠言輒流涕請追復泉爵褒既往以風方來帝從之

史明

按楊東里集邵玘為副都御史時御史尤縱奉勅簡擇奏黜其不肖及庸懦者殆半綱紀復振觀泉之黜

泰和縣志

卷二十一 人物

列傳三

則玘亦未必盡公允也又宏治志泉在汜水蒞政勤能頻課生徒校官厭之泉乃選四鄉俊秀自教之三年多有成才邑臨黃沙教民結網捕魚大得其利時督民開荒田伐材木耕無牛者助之顛連者得棺以送死貧乏者得時以成婚民感其惠恐其去為立生

祠

再志

李湘字永懷永樂中由國子生理刑都察院以才擢東平知州常祿外一無所取訓誡吏民若家人然城東有大村壩源出岱嶽雨潦輒為民患奏發丁夫隄之州及所轄五邑地多荒蕪力督民墾闢公私皆實會舊官還任將解去民羣乞於朝帝從其請成祖晚年數北征令山

東長吏督民轉餉道遠多死亡惟東平人無失所奸人誣湘苛斂民財許於布政司縣民千三百人走訴巡按御史暨布按二司力白其寃耆老七十人復奔伏闕下發奸人誣陷狀及布政司繫湘入都又有耆老九十人隨湘訟寃通政司以聞下刑曹閱實乃復湘官而抵奸人於法蒞州十餘年至正統詔大臣舉郡守尚書胡濙以湘應遂擢懷慶知府東平民扶攜老幼泣送數十里懷慶有軍衛素挾勢厲民湘隨時裁制皆不敢犯居三年卒

明史

李信圭字君信南岡人洪熙初舉賢良授清河知縣縣瘠而衝官艘日相衝役夫動以千計前令請得沐陽五百

泰和縣志

卷二十一 人物 列傳四

人為助然去家遠艱於衣食信圭請免其助役代輸清河浮征三之二兩邑便之俗好發塚縱火信圭設教戒十三條令里民書於牌月朔望儆戒之且令書其民勤惰善惡以聞俗為之變宣德三年上疏言本邑地廣人稀地當衝要使節絡繹日發民挽舟丁壯既盡役及老稚妨廢農桑前年兵部有令公事亟者舟予五人緩者則否今此令不行役夫無限有一舟至四五十人者凶威所加誰敢詰問或遇快舟步追不及則官舫人役沒其所齎衣糧俾受寒餒乞申明前令哀此憚人從之八年春又言自江淮達京師沿河郡縣悉令軍民挽舟若無衛軍則民夫盡出有司州縣歲發二三千人晝夜以

俟而上官又不分別雜泛差役一體派及致土田荒蕪民無蓄積稍遇歉歲輒老稚相攜緣道乞食實可憫傷請自儀真抵通州盡免其雜徭俾得盡力農田兼供夫役帝亦從之自是他郡亦蒙其澤正統元年用侍郎章敞薦擢知蘄州清河民詣闕乞留命以知州理縣事民有湖田數百頃為淮安衛卒所奪民代輸租者六十年信圭奏之詔還民饑民攘食人一牛御史論死八人信圭奏之免六人天久雨淮水大溢沒廬舍畜產甚衆信圭奏請賑貸并停歲辦物件及軍匠厨役濟河人夫報可南北往來道死不葬者信圭為三大塚瘞之十一年冬尚書金濂薦擢處州知府其在清河已二十二年矣

泰和縣志

卷二十一 人物

列傳五

處州方苦旱信圭至輒雨未幾卒於官清河民為立祠祀之明

嚴頤字士正禮孫宣德二年乙榜進士授江陰訓導陞桐城知縣理冤獄勤撫字鋤強掃苛賑饑請不俟命晉監察御史繩奸惡詆權貴廷臣畏之巡按四川獲反獄戮其魁釋脅從者百餘人松潘蠻寇梗化頤策擒其元惡民賴以安擢叅滇南尋改廣東叅政提督邊務頤蒞事奉公不憚勤瘁以疾卒冉志

按嚴頤據萬歷康熙兩志附入嚴禮傳未止標官爵並無事實今從新志存之冉志

蕭鎡字孟勤南溪人鵬舉子宣德二年進士需次於家八

年帝命楊溥合選三科進士拔二十八人為庶吉士
為首英宗即位授編修正統三年進侍讀久之代李時
勉為國子監祭酒景泰元年以老疾辭既得允監丞鮑
相卒六館生連章乞留帝可其奏明年以本官兼翰林
學士與侍郎王一寧並入直文淵閣又明年進戶部右
侍郎兼官如故易儲議起鎡曰無易樹子霸者所禁矧
天朝乎不聽寰宇通志成進戶部尚書帝不豫諸臣議
復憲宗東宮李賢私問鎡曰既退不可再也英宗復
位遂削籍天順八年卒成化中復官賜祭史明

按萬歷志所拔二十八人為庶吉士作取鎡等十二
人與此傳異又鎡所著有成均詞垣尚約三集冉志

泰和縣志

卷二十一 人物 列傳六

羅崇本名謀宣德二年進士歷刑部主事郎中陞廣東布
政司叅政景泰辛未驛召問考禮部試事畢奉勅提督
廣東所屬司府衛所州縣秋糧以備接濟征勦官軍處
治得宜軍民稱便宏治志

蕭暄字仰善城西人宣德二年進士沈靜有幹局官刑部
主事郎中陞雲南副使會有邊警奉勅勦之暄為宣布
德意執其首惡治罪餘黨悉縱不問有千戶以鬪傷起
獄蔓引百餘人連歲疑不決暄一訊得其情雲南遠藩
供需率踰制暄盡為裁省曰官奉自有常度可因而贖
貨耶擢湖廣左布政使時工部造漕船歲為民累暄謂
官積木累萬而重賦於民非便言之部民得緩役官至

禮部尚書卒

府志

按宏治志曰陞雲南按察副使轉湖廣左布政使新

志作雲南布政使誤

舟志

曾翬字時升上模人宣德八年登第正統初授刑部主事
曾佐戶部侍郎焦宏備兵吳越事悉付翬焦還揚諸朝
士曰雖使宿金帛庫不染也晉員外郎尋陞廣西叅政
河南有清軍御史檄翬同事欲多功翬不從曰清軍以
為民也誣民為軍可乎歷陞山東河南布政在河南荆
襄盜起翬念王師出征必道河南預命郡縣儲糧餉具
芟芻候至給之民無擾累歲饑民缺食又償軍需銀萬
兩公私莫辨乃會計開封倉糧數多出百萬平價糶之

泰和縣志

卷二十一 人物

列傳

七

而軍賞亦無缺先行後奏皆從其言未幾陞刑部左侍
郎又命巡視浙江許便宜行事至則黜不職官吏百人
一一皆當舉十餘人後皆為名臣越歲還京署部事有
中貴怙寵殺人事覺具奏逮治之京師威貴無敢犯者
後自陳老疾乞居家二十餘年足跡不至城府人多不
識其面卒年八十二自號龍坡居士所著有龍坡集
按列卿傳載翬以廣西叅政丁憂服闋起官河南御
史清軍者利得軍多枉及民翬辨釋甚衆南陽諸府
多流戶衆議驅逐人情惶恐翬撫安之與康熙志所

載互異

舟志

蕭璉字孟奎宣德八年進士為刑部主事丁內艱改工部

陞郎中嘗總督修城調度經畫悉有方畧改禮部祠祭司練達老成陞本部侍郎改南京吏部左遷湖廣叅政

宏治志

龍文字士郁甘溪人舉子登正統元年第擢中書舍人陞吏部驗封員外郎文選郎中以清慎得名天順初陞南京工部侍郎居官尋卒

萬歷志

按明統志作龍文字彥祥與此異又宏治志稱文以冠帶舉人擢中書

冉志

段績字元述西廂人以歲貢舉正統三年順天鄉試任阿迷州學正陞國子助教以翰林檢討致仕文翰行誼為翰林所推重

宏治志

秦和縣志

卷二十一 人物 列傳八

陳宜字公宜登正統七年進士擢工科給事中建言除迎春冗費士論高之歷官應天府丞雲南布政陞副都御史巡撫貴州出使占城扈駕北征屢著奇績進兵部左侍郎丁內艱歸卒於濟寧平生為人謹厚有德望而經學尤工

宏治志

按田志稱宜擢工部尚書所著有金臺集滇南集遺芳集廣輿記陳宜崇祀應天府名宦舊志遺

劉錯字用南正統七年進士任刑部主事值也先入寇條陳十四事皆見採納時朝士紛紛陰遣家屬避寇錯上章劾之有輕宗社如敝屣忘君父如路人之語上命御史詰察衆心始定陞陝西按察司僉事丁母憂改山東

奏舉復舊制整頓憲綱嚴有司講讀律令劾巡撫之不
法者十事調雲南尋歸家居聞廣寇弗靖上平蠻策於
朝晚年又著安民策萬餘言未上而卒

宏治志

按錯字用南萬歷志作用南又錯自號鐵心道人子
鴻弱冠領鄉薦累舉進士不第益肆力為詩文名重

一時號七星居士所著有七星集

丹志

王儼字民望南富人生而聰穎早年博極經史尤邃於易
登正統七年進士初授行人出使兩廣轉交戶刑給事
以言事謫簿郊城天順癸未因疾致仕歸里築武溪橋
建祠宇暇則課子姪讀書求詩文者趾錯於戶當時重
之成化間纂修英廟實錄聘為總裁後為澄江書院師

泰和縣志

卷二十一

人物

列傳九

家居三十年削跡府城自號甘貧叟所著有南齊集

康熙志

按宏治志儼轉兵戶二科給事中未嘗為刑部也康

熙志誤

丹志

蕭彞字元衷正統十年登第授吏部考功司主事尋進本
司員外郎中在考功二十餘年多所建白時冢宰二王
公皆一時元老每事多諮詢而行故事外官以疾告告
言未及五十五草職巡檢課績必獲逸囚三十人始稱
考不則黜去彞請外官年及致仕未及者亦與冠帶同
獎恬退又查永樂中恩旨援奏課巡檢得別詔皆從其
議凡所行事終不言人亦鮮知之陞左通政歷南京工
部右侍郎有儉人者以飛語誣彞既得白遂乞歸侍二

親以終所著有梅菴集

萬歷志

楊渙字德濟以歲貢中順天鄉試正統十年登第授四會知縣廉謹愛民所治近徭峒歲時相率來聽約束黃蕭養反四境騷動徭民率衆護縣縣已有備慰遣之地產斷腸草民多輕生藉以誣人渙諭來訟者必納此草連根數十斤久之其種遂絕其他善政尤多三年巡撫楊信民奏為廣東按察僉事清白之操愈勵又三年卒於官行橐蕭然最為都御史韓雍推重四會立祠祀焉

宏治志

曾蒙藺名廉以字行鶴齡子登正統十年進士為御史有名擢福建按察僉事改湖廣遷浙江按察使所至操履端潔政聲蔚然所著有脩菴集

宏治志通志

泰和縣志

卷二十一 人物

列傳十

羅俊字從彥後塘人正統十三年進士仕為監察御史景泰中左遷新會典史興學育材士賴其指授起科第者六七人天順初陞仁化縣未幾擢潯州知府蠻獠向化郡以無事改南雄府又二年卒於官俊為人廉厚有古循吏風所著有奏議封事理冤錄霽軒詩文集子輔有文學居上庠屢試不偶棄去著有洪範彙義

萬歷志

按俊字從彥宏治志作承彥稱其在粵時兩廣盜起僉都御史韓雍有獻計拆民居立牌柵意在侵漁於民俊力請罷之其修府治增築新城俱措置無擾

再志

尹直字正言子源孫景泰五年進士改庶吉士授編修成化初充經筵講官與修英宗實錄總裁欲革去景泰帝

號引漢昌邑更始為比直辨曰昌邑旋更旋廢景泰帝則為宗廟社稷主七年更始無所受命景泰帝則策命於母后當時定傾危難之中微帝則京師非國家有不宜去帝號時不能難歷陞侍讀學士六年上疏乞纂修明通典并續成宋元綱目章下所司十一年遷禮部右侍郎辭不許丁父憂服除起南京吏部右侍郎就改禮部左侍郎二十二年春召佐兵部占城王古來為安南所逼棄國來求援議者欲送之還直曰彼窮來歸我若驅使還國是殺之也宜遣大臣即詢量宜處置詔從之命都御史屠滂往貴州鎮巡官奏苗反請發兵廷議將從之直言起釁邀功不可信命官往勘果無警改戶部

泰和縣志

卷二十一 人物 列傳 十一

兼翰林學士入內閣踰月進兵部尚書加太子太保直明敏博學練習朝章孝宗立令致仕宏治九年表賀萬壽并以太子年當出閣上承華箴引先朝少保黃淮事冀召對帝却之正德中卒謚文和明史

按直所著有澄江文集及瓊綴錄等書行世志

楊琚字朝用景泰五年進士授兵部武選司主事改職方出鎮山海關還陞武選司郎中成化中奉勅陝西紀軍功嘗奏改延綏城堡及建言軍民利病陞湖廣右叅議分守荆襄等府築老龍堤疏竹筒河及創改水驛巡司民德之九載陞四川右叅政所著有愚直漫稿家禮通

考萬歷

志

羅用俊由鄉薦歷官南京國子助教身先表士教立行尊以子欽順貴封吏部右侍郎致仕歸三十年好學一如少壯卒年八十七子三人俱舉進士長欽順官尚書次欽德官憲使次欽忠官大中丞德子瑄又登進士時稱鳳林云萬歷志

康驥字德良文溪人景泰五年進士拜監察御史天順初宦官武將擅竊威權賣鬻官爵驥抗章論之羣小泣訴於上下驥獄雖拷掠備極而辭氣侃侃百折不屈既得釋奸黨斂戢後巡按北直隸山東所至風紀振揚吏民畏懾陞福建轉運使明一統志

按宏治志驥以錦衣衛籍中順天鄉試志

泰和縣志

卷二十一

人物

列傳

十二

王用字廷用杭口人登景泰五年進士任監察御史有聲歷官四川副使陞河南布政嘗巡按蘓松斷決流獄無阻滯貪墨望風知懼宏治志

羅璟字明仲天順末進士及第授編修進修撰預修宋元通鑑綱目累官洗馬孝宗為太子簡侍講讀母喪歸璟與尚書尹旻子侍講龍同娶於孔氏旻得罪李孜省指璟為旻黨調南京禮部員外郎孝宗嗣位王恕等言璟才乃授福建提學副使宏治五年召為南京祭酒卒明按萬歷志載璟為子理之孫其父進善從楊文貞公居京師一夕夢鶴飛止中堂而生璟其膚瑩潔天庭點痣赤如丹砂文貞曰此兒鶴相宜善視之三歲教

以詩書應口成誦又人文紀畧稱璟官祭酒三年致仕歸所著有冰玉集志

蕭禎字彥祥龍陂人正統末進士由刑部主事陞湖廣僉事以廉幹名歷九載不奏績而歸尋遣中使就家起為副使累官都察院副都御史巡撫陝西進南京工部侍郎轉刑工二部尚書性本廉潔尤精吏事所至赫赫有聲後以疾致仕萬歷志

按宏治志作天順八年進士萬歷志誤志

張達字時達西廂人天順甲申進士授工部主事曾諫興佛塔卒寢其事出漕運呂梁適歲饑徐淮民相食冒謗發倉賑之活饑民數千人進鴻臚寺光祿寺卿陞工部

泰和縣志 卷二十一 人物 列傳 十三

右侍郎天性簡靜稱為長者卒於官羅欽順為作神道碑萬歷志

蕭蒼字成表成化二年進士為南京陝西道御史監左藏中貴忌之又抗疏辨御史金忠之冤忤旨出為廣西僉事糾官邪招流困極為巡撫朱所重陞雲南按察副使屢著奇績子鍛成化間應鄉舉刻志力行未仕而卒萬歷志

按蒼字成表宏治志作承表志

曾望宏字實夫成化間登進士授刑部主事歷郎中凡部務掣肘者大司寇悉付之曰非曾郎中不可有駙馬奏爭民田望宏察實悉歸之民奏報稱旨尋擢常州府至則表節義抑豪強勸農造士政治有聲改南雄府雄當

孔道外番奇物多過其地望宏持法嚴謹行者避之萬歷志

龍伯字廷魁甘溪人父士熙任淑蒲縣教諭母胡氏病日侍湯藥夜嘗路禱克敦孝行登成化丙戌進士出宰慈谿首舉農桑學校惠鰥寡孤獨葺先賢之祠雪寡婦之冤禱雨龍見頌聲大起卒於官無以為殮民思之為立祠焉萬歷志

曾彥字士美成化七年鄉試戊戌廷對第一授修撰滿九載當陞以左道李孜省受囑譖學士遂出為南京翰林院侍讀宏治初召修成化實錄進諭德尋改南京掌院事乞歸許之彥才力敏贍應辨如響嘗因星變言請親奉和縣志

卷三十一 人物 列傳 十四

大臣重科道語甚激切在春坊時又三上疏一請行久任之法一請凡御朝之暇宣內閣及大臣論時政利弊一請寬御史李興彭程謝瑩等三人重罪皆得允行康熙志

按明統志稱彥登第時年幾六十官至南京翰林學士其為文不事刻削而思致綿邈自不可及冉志

廖森謨從孫舉成化十年鄉試歷官涪州知州境內常有四虎為害森遣人捕殺其三獨白額者猛而鷙不可得乃齋沐自撰檄文告於城隍神翼日而虎自斃於郭外進士長壽朱華為作祝虎傳宏治志

曾追字文甫成化戊戌進士及第第三為文章俊逸出入經史援筆數千言畧不經意為儕輩所推重入翰林為

編修未浹年以疾卒

人文
畧

羅欽順字允升宏治六年進士及第授編修遷南京國子監司業與祭酒章懋以實行教士未幾奉親歸因乞終養劉瑾怒奪職為民瑾誅復官遷南京太常少卿再遷南京吏部右侍郎入為吏部左侍郎世宗即位命攝尚書事上疏言久任超遷法當疏通不報大禮議起欽順請慎大禮以全聖孝不報南京吏部尚書省親乞歸改禮部尚書會居憂未及拜再起禮部尚書辭又改吏部尚書下詔敦促再辭許致仕有司給祿米時張璠桂萼以議禮駟貴秉政樹黨屏逐正人欽順耻與同列故屢詔不起里居二十餘年足不入城市潛心格物致知之

秦和縣志

卷二十一 人物 列傳 十五

學王守仁以心學立教欽順致書守仁畧曰聖門設教文行兼資博學於文厥有明訓如謂學不資於外求但當反觀內省則正心誠意四字亦何所不盡必於入門之際加以格物工夫哉守仁得書亦以書報大畧謂理無內外性無內外故學無內外講習討論未嘗非內也反觀內省未嘗遺外也反復二千餘言欽順再以書辨曰執事云格物者格其心之物格其意之物格其知之物凡為物也三謂正其物之心誠其物之意致其物之知其為物也一而已矣就三而論以程子格物之意推之猶可通也以執事格物之訓推之不可通也就一物而論則所謂物果何物耶如必以為意之用雖極安排

之巧終無可通之日也又執事論學書有云吾心之良知即所謂天理致吾心之良知之天理於事物則事事物皆得其理矣致吾心之良知者致知也事事物物各得其理者格物也審如所言則大學當云格物在致知不當云致知在格物與物格而后知至矣書未及達守仁已沒欽順為學專力於窮理存心知性初由釋氏入既悟其非乃力排之謂釋氏之明心見性與吾儒之盡心知性相似而實不同釋氏之學大抵有見於心無見於性今人明心之說混於禪學而不知有千里毫釐之謬道之不明將由於此欽順有憂焉為著困知記自號整菴年八十三卒贈太子太保謚文莊明

秦和縣志

卷二十一

人物

列傳

十六

按康熙志欽順家居絕造請杜門徒每旦正衣冠登學古樓端坐觀書獨處無惰容食恒二簋居無臺榭宴無聲樂歲八十天子命撫臣及門存問卒之日天馬山鳴訃聞震悼敕賜葬祭祀鄉賢子玟珩皆孝謹守教珩官至郡守

國朝雍正二年欽順祠祀

文廟兩廡并給帑修理祠墓詳志

陳鳳梧字文鳴十歲能詩宏治間登第選庶吉士授刑部主事出為提學副使累陞副都御史遷右都御史歷官三十餘年章疏凡六十餘上始應孝皇詔言五事世宗繼統言八事皆關係君德切於時政至如奏免御史大

比會考著為令甲正太監接見禮儀大扶士風家居掃
室靜坐日惟著書旦夕衣冠終日不見惰容鄉中後進
奉為師法卒贈工部尚書所著有四書六經集解修辭
集奏疏稿萬歷志

按通志載人物志稱鳳梧為主事清寧宮災應詔言
時政奉命江南審錄重囚多所平反出為湖廣提學
僉事推行聖制為十八條刊示郡縣歷陞山東左布
政使唐志失載志

劉訥字鈍夫性孝友家貧苦學工於詩年三十遂以詩得
名屢舉不第應貢入為國子生既卒業歸貧益甚不能
舉火者常二三日適鄰姬以羹飯餽其妻妻將進食之
泰和縣志 卷二十一 人物 列傳 十七

訥問得狀麾去不食哦詩怡如也晚年著作成帙為人
取去代梓竟不還訥卒遂亡其稿萬歷志

鄧鼎字廷鼉幼讀小學書見諸葛武侯范文正公事皆書
願學字於篇稍長從郡羅太史倫遊有造詣既登第出
知鄧州鋤豪強厲士風賑饑察獄全活甚衆鄧人德之
後改睢州修學築堤有功陞南京刑部郎坐治獄執議
忤當道意遂告歸鼎事父孝事兄如事父居官所入俸
給散其族人無差所至以才名求竟於用而卒萬歷志

羅欽德字允迪與弟欽忠同登宏治己未進士時兄欽順
官翰林三羅之名隱隱在公卿間咸欲識其為人德深
避不欲接款遂除兩浙鹽運副使至則一洗宿弊屢

之遣妻子歸官舍蕭然若禪院初中官鎮浙者恣甚索金動盈百獨未嘗向欽德啟齒勢豪冒鹽禁聞欽德掣盤急鑿其艘沉之其見憚如此轉刑部郎尋陞浙江叅議陞副使移疾乞歸嘉靖初即家拜湖廣副使尋進貴州按察使堅卧不起家居三十年謝去造請清嚴絕俗獨處一小樓性孝友自浙得請歸侍其父几杖隻字片紙必珍藏微言細行札記靡遺母淑人所製布履既貴猶笥存之臨終命納諸棺以殉府志

按萬歷志載欽德自號浮漚道人所著有浮漚集若干卷典

羅欽忠登第時其文行四方以為式仕都輦下曾與越中泰和縣志

卷二十一 人物 列傳 十八

王伯安守仁關中李獻吉夢陽結社學為詩文有聲三遷至通政司叅議得告省侍家居復起為通政使轉副都御史督儲南京有召疾不果赴卒於家萬歷志

劉鴻字雲表成化丁酉舉於鄉兩擬春官第一才名達禁中憲宗賜以巾曰遮暘免其家徭役邱文莊濬倪文毅樂戴恭簡珊皆與為忘分交所居七星坳自號七星居士詩文集十二卷歙水志見通志

徐威字廣威江南人宏治壬子鄉薦授鄖西教諭成化中桑悅分教泰和廣威受業門下取其古賦字棘喙不能向者為之疏通箋註觀其持論宏肆倣詭與民憚略相似亦一時之偉奇人也列朝詩集

歐陽雲號碧溪蜀江人重慶太守雍之子生時雍夢雲中
龍見因名曰雲字從龍七歲能韻語日記數千言稍長
從父之官所至輒有記述舉宏治戊午江西鄉試第一
已未成進士初任行人正德間官御史巡視南城凡中
官外戚怙寵憑陵一繩以法是時瑾勢已張雲抗直一
無所屈有詔覈三邊糧馬陝西為瑾鄉里雲欽命往凡
途中所經發為吟詠切諷時事瑾怒危以法報下褫其
職瑾誅諸為瑾陷者皆以次召用雲僅叙復御史然雲
亦無意復仕家居四十餘年詩文自娛著有碧溪集

軼事

周尚化字德孚螺江人天性孝友操行清介事父及兩繼
泰和縣志

卷二十一 人物 列傳

十九

母甚謹以經魁登正德三年進士出知邳州初下車流
賊大至尚化預築土城捍禦之既通州議者欲閤門固
守尚化曰城外非吾民耶不聞唇亡齒寒乎因合城內
外民諭之以義誓共死守未幾寇擁騎數萬四面攻圍
連日不可克乃解去民賴全活勒石紀功立生祠崇祀
名宦尋陞刑部員外郎中丁繼母憂以疾卒

萬歷志

按尚化著有青雲樓稿今不傳

志

胡行恭字民敬幼孤家貧為童子師所資供母歲以為常
既沒家無餘資竟日絕炊毫不為意得未見書乞假手
錄至數十部不倦里中周尚化深相推重一日貽書議
及詔旨裁抑生員可否行恭報書極陳不可且曰科舉

之外必行薦舉則篤行之風倡必坐舉主則憑私之路
塞周得書為之嘆服行恭常訓子以實學而戒務虛名
子天鳳能遵父教宗陽明之學乃著自信篇又以理非
在外特著理論隸熙

王貞吉字如悔南富人舉正德丙子初任平山知縣有惠
政陞南京刑部主事轉本部員外晉工部虞衡司郎中
出守廣西潯州時苗酋猖獗郡中鼎沸至則繕城隍修
器械募丁壯嚴賞罰設計殲其渠魁羣苗震懾餘以次
就撫南寧告警復補南寧知府其勦撫並用治如潯州
不踰年苗悉平論功陞陝西行太僕寺卿提督馬政乞
休家居三十餘年興社學創義墓設祭田修宗牒惠及

泰和縣志

卷二十一

人物 列傳

二十

三族寒門賴以舉火者凡數十家府志

歐陽席字崇珍蜀江人正德三年進士性簡亢不為矯飾
初授南京工部主事進郎中分署真州失禮貴顯降澧
州判遷夔州同知夔守常自尊倅以下隅坐之席獨長
揖不坐引疾自免尋擢雲南副使討安金有功擢廣東
按察使有官塘官家乞為已業從提督府下書索報席
不之答平交趾有功官至福建布政使萬歷

曾顯字克達由鄉舉分教寧波陞滁州知州改宿州再改
靖州陞楚雄府同知皆有惠政家肖像祀之用薦擢雲
南按察司僉事濬滇海城平夷工費鉅萬民不告勞輶
車所至郡邑肅清累進亞中大夫年六十三致仕家居

蔬食布衣一如貧士平居樂善不言人過賑窮周乏者切渴饑鄉人至今誦之萬歷志

歐陽嵩字汝仲蜀江人正德六年進士知福寧州首開東南河一千八百餘丈灌田數千頃皆為沃壤復置田建

河資倉儲租為後疏浚費民永享其利福建通志

張鐸字振大以貢授鬱林州同知鬱林自昔僻陋民皆力田鐸為興學校申教條躬集諸生講諭豐其廩給蠲其徭役由是人知勉學民有兄弟爭訟者鐸諭以義輒解釋州南有廢地鐸教民耕墾不取其稅荒蕪盡闢田州人爭地相仇殺藩省大臣委鐸同往平之宣朝廷恩德與不忍加兵之意按圖籍考故實使各循其舊眾皆悅

秦和縣志

卷二十一 人物 列傳

二十一

服罷兵七年述職京師歸至郡以疾卒廣西名宦志

歐陽鐸字崇道蜀江人正德三年進士授行人上書極論

時政不報使蜀府王厚遺之不受歷工部郎中改南兵部出為延平知府毀淫祠數十百所以其材葺學官司禮太監蕭敬家奴殺人置之法調福州議均徭曰郡多士大夫其士大夫又多田產民有產者無幾耳而徭則盡責之民請分民半役士大夫率不便巡按御史汪珊力持之議乃行嘉靖三年擢廣東提學副使累遷南京光祿卿歷右副都史巡撫應天十府蘇松田不甚相懸下者畝五升上者至二十倍鐸令賦最重者減耗米汰輕齋最輕者徵本色增耗米陰輕重之賦乃均諸推收

田從堤不從戶詭寄無所容州縣荒田四千四百餘頃
歲勒民償賦鐸以所清漏賦及他竒羨補之議徭役及
裁郵置費凡數十百條民皆稱便遷南京兵部侍郎進
吏部右侍郎九廟災自陳去鐸有文學內外修潔仕雖
通顯家具蕭然卒贈工部尚書謚恭簡所著有石江集

史明

鍾卿密正德三年進士為監察御史議大禮幾死杖下終

寧國知府康熙

樂鏡字景隆自號雲樵山人正德中諸生與同郡鄒東廓
守益聶雙江豹講求良知之學雅好古文尤長於詩

集堂

泰和縣志

卷二十一 人物

列傳

二十三

劉魁字煥吾號晴川城西人父教敦行古道由教諭轉縣
令有政聲正德中魁以鄉舉授寶慶通判擢鈞州知州
歷潮州府同知入為工部員外郎有詔徙雷壇禁中上
諫止疏自分獲譴先授家奴囊金三兩備棺旨下廷杖
禁鎮撫司獄卒具病狀上聞有百戶戴經密以藥酒飲
之得不死在獄中日與楊侍御爵周給舍怡淬礪以不
能感悟主上自責諸校為之感動其年八月神降於此
乞宥三臣得旨釋放為民末踰旬復遣逮逮者至魁猶
在道先繫弟元北行魁至螺川得聞即買舟馳赴或勸
潛歸不可賦詩寄家人有孤臣此日勞明主萬里何心
保此生之句抵京復遣家奴上疏願獻愚忠以死報國

事其言切指執政明年上祈雪不應獄禁加嚴不許入食者九日楊周俱約自盡魁獨慰解之已而復許通食至丁未十一月宮災傳旨釋放抵家惟角巾野服徒步往來以壽卒隆慶改元追贈大常寺少卿魁天性忠貞孝友獨立類俗中屹然不可移而氣宇和粹才具經濟而志切憂時在鈞州上五疏在虞部上安攘十事又條築外城議見聽納其後以忠獲罪竟脫死所著有晴川漫稿仁恩錄萬歷志

按通志稱人物志說以魁為萬歷鄉薦又學案載其在獄與楊榭山周訥溪講學凡四年世宗齋醮有神降筭為三人頌寃釋之未抵家而復逮又二年高元

泰和縣志

卷二十一 人物

列傳

廿三

殿災上悅忽聞火中呼三人名氏乃放還家事雖近誕然忠義之士固宜為鬼神陰佑也志

王思字宜學直曾孫正德六年進士改庶吉士授編修九年春乾清宮災思應詔上疏言私恩不偏於近習政柄不移於左右則紀綱立而宰輔得行其志六卿得專其職今者內閣執奏方堅而或撓於傳奉六卿擬議已定而或阻於內批之紀綱所由廢也惟陛下抑私恩端正本用舍不以讒刑賞不以私拒則體統正而朝廷尊矣祖宗故事正朝之外日奏事左順門又不時召對便殿今半月御朝不過三五日每朝進奏不踰一二事其養德之功求治之實宰輔不得而知也聞見之非嗜好

之過宰輔不得而知也天下之大四海之遠生民愁苦之狀盜賊縱橫之由豈能一一上達伏願陛下悉遵舊典時加召問勿以遇災而懼災過而弛然後可以享天心保天命其年九月帝狎虎而傷閱月不視朝思復上封事二條一曰嗜酒而荒其志二曰好勇而輕其身其言切至疏入留中者數日忽傳旨降遠方雜職遂謫潮州三河驛丞思年少氣銳每衆中指切人是非已悔之自歛為質訥及被謫怡然就道夜過瀧水舟飄巨石上緣石坐浩歌家人後至聞歌聲乃檣舟以濟王守仁講學贛州思從之遊及守仁討宸濠檄思贊軍議世宗嗣位召復故官思疏辭不允尋充經筵講官嘉靖三年與泰和縣志

卷二十一 人物

列傳

十四

同官屢爭大禮不報偕廷臣伏左順門哭諫帝大怒繫之詔獄杖三十踰旬再杖之病創卒隆慶初贈右諭德思志行邁流俗與李中鄒守益善高陵呂柟極稱之嘗曰聞過而喜似季路欲寡未能似伯玉則改齋其人也改齋者思別號也

明史

按萬歷志思議大禮疏曰陛下上考孝宗則太祖太宗之統始賴以傳乃武宗所以托宗社之意不報復奏疏爭之遂下獄杖朝堂越十日而卒時嘉靖甲申七月十五日也其疏詳見藝文內又萬歷志作贈光祿寺少卿萬歷初復加奉政大夫與本傳互異

再志

歐陽德字崇一蜀江人甫冠舉鄉試之贛州從王守仁學

不應會試者再嘉靖二年登第除知六安州建龍津書院聚生徒講學入為刑部員外郎六年詔簡朝士有學行者為翰林乃改德編修遷南京國子司業作講亭進諸生與四方學者論道其中尋改南京尚寶卿召為太僕少卿以便養復改南京鴻臚卿父憂服闋留養其母與鄒守益聶豹羅洪先日講學以薦起故官累遷吏部左侍郎兼學士掌詹事府母憂歸服未闋即用為禮部尚書喪畢之官命直無逸殿時儲位久虛帝惑陶仲文二龍不相見之說諱言建儲德懇請會有詔二王出邸同日婚德以裕王儲貳不當出外疏言曩太祖以父婚子諸王皆處禁中宣宗孝宗以兄婚弟始出外府今事

泰和縣志

卷二十一人物 列傳

二十五

與太祖同請從初制帝不許德又言會典醮詞主器則曰承宗分藩則曰承家今裕王當何從帝不悅曰既云王禮自有典制如若言何不竟行冊立耶德即具冊立儀帝滋不悅然終諒其誠婚亦竟不同日德遇事侃侃裁制諸宗藩尤有執或當利害衆相顧色戰德意氣自如時徐階聶豹程文德與德並以宿學都顯位於都中靈濟宮講學德氣宇溫粹學務實踐不尚空虛卒贈太子少保謚文莊

明史

按萬歷志載德知六安州適歲祲捐俸倡賑隨所在設粥活數萬人已而興築所急境內大治本傳不載附錄於此所著有南野集

附

歐陽瑜字汝重德族人亦學於王守仁守仁教之曰常歛然無自是而已瑜終身踐之舉於鄉不就會試曰老親在三公不易也母死廬墓側虎環廬吼不為動歷官四川叅議所至有廉惠聲年近九十而卒

史明

郭應奎字致祥高坪人嘉靖乙酉領鄉書計偕下第過南都會大司成湛甘泉講學南雍遂卒業焉己丑舉進士授禮科給事中謫丞霍丘上官重之檄主教獨山書院修南畿志丁內艱復補丞寧津量移鎮江推官轉蘇州同知尋陞工部郎中管理河道奉勅修理泗州皇陵陞知嘉興府至郡賑窮乏罷浮靡訪顯宦子弟罹法者屬吏貪墨者痛治而疏黜之嘉郡財賦絲帛甲東吳織局

泰和縣志

卷二十一 人物

列傳

二十六

糧運舊有額外供則下令禁絕之郡中有飲水之謠引疾乞歸士民垂涕攀轅家食三十餘年七薦不起澹泊猶儒生倡建萃和書院著有學約又立宗範以訓族人其俗一變所著有兼山堂諸集

萬歷志

歐陽閱字崇勳蜀江人德族兄從王守仁遊宸濠有異志進曰以時事論將有漢七國之變計將安出守仁不應而密語之曰書生何易談天下事可讀易洗心一句沉思有悟兼長詩賦後為滁州學正子况博極羣書為文敏而贍亦以貢如京師例入太學同舍某病調護盡力沒則棺斂某子以謁選稱貸畀之數百金無何卒於官馳往伏哭取券還之遠近傳誦其義

湧幢小品

康良材字在朝家貧寄居學舍寡交游授徒不問束脩衣冠必整趨常翼如鄉人望而敬之應貢授四川涪州司訓常捐俸給助貧生遭時癘盛行親臨各生家慰問資其米粥多所濟活尋陞漢州學正致仕歸良材事母至孝母病沒時年九十五歲良材亦踰七十猶侍母床前親浣穢罷垢衣既沒懸像痛哭三年不絕其肫篤類此去涪州士子思之配享伊川先生之廟萬歷志

蕭興賢西廂人父病危諸醫計窮興賢割右股為糜以進父愈後母病復割左股以進有司先後禮獎匾其門後二親沒廬墓絕交遊者三年歲洪水且沒墓興賢不忍去友人以舟接之假宿白鶴山朝夕望墓涕泣比水消

泰和縣志

卷二十一 人物 列傳

廿七

隣居盡圯惟廬舍獨存人以為孝感萬歷志

胡堯時字子中嘉靖五年進士歷官貴州按察使嘗師事王守仁謂職在刑名宜先教化以躬行為士人倡修陽明書院凡守仁著作在貴陽者悉刊行之貴州名宦志

按康熙志堯時官兵科給事中家居平糴濟人冉志

王貞善字如性性格嚴正耻隨流俗少聞王守仁良知之旨有會於心遂師事之既而習湛若水隨事體認天理之說學益進由嘉靖戊子舉人授海陽縣以守正忤上官不滿歲而歸杜門著書如靜談讀史法戒及內外篇皆本王湛之學季子一俞字信卿為吳門令亦以守正為世憚例當調拂衣歸里與第一視同講學於鄒守益

羅洪先之門其家學仕行父子相同康熙志

曾紳字習之中嘉靖八年進士授南刑部主事初入刑曹有冤獄連百人囚繫四年莫為辨者紳訊得其情止遣六人餘皆獲釋疏上竟如擬擢河南道御史出綜醜政清理運河有功賜金帛時大臣專柄言路阨塞紳疏罷尚書劉龍聶賢侍郎陳章甘為霖大卿王綖洗光都御史趙載由是直聲震朝廷已而太宰汪鋹不職給事中海陽薛宗鎧首言之鋹上疏肆辯繼臺諫交章論劾鋹辯益力紳方卧病邸中憤然具疏其畧曰人臣之罪莫大於欺罔臣觀鋹詆辯一疏有人臣所不敢言不當言者鋹掩主上之美附宰執之權庇七人之奸塞言官之

秦和縣志

卷二十一 人物 列傳

十八

路欺罔擅專無人臣之禮乞早正其罪以保治安疏上竟褫鋹職而下紳并宗鎧錦衣獄獄中自叙生平大概多忠孝語受杖之日神色不渝第曰臣言得行臣罪當誅杖已越日而斃紳神采英毅好善若渴嫉惡如讐嘗曰丈夫磊落顛印安能脂韋塵流為溫飽計父兄早世嫁諸妹成諸姪周族貧乏不植私藏國有大事寢食不寧蓋天性然也隆慶元年贈太常少卿廕其子綬入監

分省人物考

按萬歷志紳祖父家鳳陽霍邱縣明史止載紳霍邱人失註秦和字附記此以補史遺志

蕭祥曜嘉靖中為御史上幸承天疏論留守輔臣顧鼎臣

曰輔相以天下為度當為天下得人鼎臣留守未踰月
即引用門生親友吳崐由刑部主事調吏部假公罷市
私恩失中外人之心負聖明之託吏部左侍郎張潮為
天曹而阿輔臣主事吳崐方筮仕而趨權貴廉耻道喪
奔競成風乞黜吳崐以懲佞奸顧鼎臣張潮令休致為
狗私用人者之戒時上方優遇宰輔置不問獨以無故
調官詰吏部蕭御史之名遂振一時歲癸卯晉圍多故
山西巡察缺而難其代者祥曜踴躍請往輿疾以行次
阜城卒朝士傷之萬歷

曾籥西廂人家貧讀書授館為養父病痢嘗糞顛天願以
身代及卒廬墓龍洲三年初廬半載以傘覆之親友始
泰和縣志

卷二十一 人物 列傳

廿九

易以木中可一席其時館於北郭暮則號廬晨復赴館
毋死亦如之六年酒肉絕不入口萬歷

朱衷字崇晉古坪人祖父籍於楚嘉靖丁酉衷應楚省試
初仕署鞏縣教事陞武功知縣抑權豪振淹起斃關中
稱為饒漢陞楊州府同知民遮道留者萬人佐楊州一
歲事妥民服吏無能索一錢者循例入覲旋僅三日而
倭犯境衷即領兵出遇寇於沙河敗之殲其巨酋奪俘
畜百計以還衷不色喜翌日寇大至且薄城東門衷率
步騎進抵敵壘有頃伏發兵潰遂遇害事聞贈布政司
左叅議賜祠楊州錄一子入太學初衷未仕時見邸報
有死諫者輒太息曰處其地而不為其人非夫也在武

功修蘇武祠作詩頌慕有中郎落旄吾身生晚之句蓋其天性忠義如此萬歷志

按朱哀郎西籍見明史忠義傳志

陳昌積字子虛自幼日誦千餘言試以偶對應聲而就既長習六家九流之書為文摹擬先秦史漢舉嘉靖元年鄉試第一登十七年進士授禮部儀制主事直內閣管理誥勅陞寶尚寺丞兼翰林五經博士是時內廷修禱祀典甚嚴輔臣奉命製詞多屬昌積具草進御覽輒稱善已罷歸益肆力詩文所著有兩湖全集康熙志

曾忭字汝誠嘉靖五年進士授光澤知縣時王守仁講學越中忭取道往受業在閩多善政調宰婺源闢紫陽書

泰和縣志

卷二十一 人物 列傳

三十

院修韋齋祠報最擢吏科陞兵科都給事上疏忭貴溪相下錦衣獄已而得免尋放還家居三十餘年隆慶初有詔起用先朝才德之臣被擯斥者言路以忭名上柄國者疑其老不任職不果召未幾卒所著有太平邊策及廷諍錄詩文四卷通志

按曾忭人物志不載西江志采劉調甫所撰墓志增入康熙志忭以論冢宰忭旨斥罷志

楊載鳴字虛鄉士奇五世孫嘉靖戊戌進士授潮州推官憂闋補登州廉能公謹聲籍兩郡擢為吏部稽勲主事凡七載始掌銓事先期咨訪人才既具乃拔其正而淹者若干人抑其邪而驟者若干人應補缺則先令呈報

外官文憑請按季類付御史分致所屬內外吏承無所
媒其利銓法大清或指柄家子為載鳴危不顧也會行
取天下官中有以他事被劾者柄家事遂得以是甘心
出為將樂典史未一歲量移惠州推官比去惠人祠而
祀之尋轉南京吏部郎擢四川僉事轉廣東提學副使
歷陞通政卒於官載鳴尤篤倫誼出入奉文貞公像以
從遇其父故友雖甚蹇劣必執子弟禮居吏曹不納一
帕在廣值母喪即日馳奔諸賻贈一切謝却生平於圖
書之外泊如也著有大拙堂稿行世

萬歷志

按柄臣子蓋指嚴世蕃也載鳴掌銓事以其囑書擲
地不顧因大觸其怒坐是謫外又萬歷志稱載鳴素

秦和縣志

卷二十一 人物 列傳 三十一

許負必為文貞公居處懸大書晚節二字其自厲如

此再志

楊海字汝容士奇四世孫狀貌脩癯骯髒不自下以諸生
入太學及歐陽德之門舉順天鄉試嘉靖丁未進士官
行人護大學士費宏喪歸葬故事喪家重王人酬以金
幣海視葬畢登舟趣解纜去雖一蔬楮不受其灑然不
滓如此擢工科給事中卒方海在南宮同舍生多駘宕
務為不羈海謂其儕曰晉癸於清談六朝若唐以浮詞
癸宋以空言癸予懼今時之以虛文癸也及卒聶雙江
豹哀之為銘其墓

康熙志

按人物志汝容平居究心聖學發明紫陽窮理格物

之旨甚為當時所重

歐陽紹慶德之子警穎肖父讓廕於叔廬喪三年編輯遺文不懈舉鄉試首選為中書舍人詞翰有聲擢工部主事尋丁內艱抵家居喪盡禮以病卒著有乾江正終稿

行世

康熙志

蕭廷宇時訓鳳岡人幼敏愿為邑大儒序當公車宸濠亂即隱鳳凰岡放達於三顧雙鳳之椒沉酣於文溪武姥之間生平有菊癖郭子章稱其詩類淵明山谷羅欽順常序其詩羅洪先遊廬陵多寶寺見廷壁間詩為欄護之俾勿壞其見重如此所著有冷塢韻語梧邱草堂稿

蚓鳴錄

康熙志

泰和縣志

卷二十一 人物

列傳

三十三

按康熙志又稱時訓年七十郭青螺子章請具冠服答曰此桎梏也又勸赴鄉飲辭曰今日鄉而賓諸黷明日謝而跪諸途子毋辱我其高風可想見云

耕志

李鑿字希子南岡人好學博識王守仁常聘主虔教一時名士多出其門子渴與兄絳同及守仁門常受寧藩聘見濠有逆謀力諫不從拂衣歸里善詩賦精書法稱為珠泉先生

康熙志

王錫珪字德北國子生以祖母年高左右奉養遂不赴試常救負賑荒又刻古今善行勸人行善遇名人賢士折節為禮雖遠在百里毋論風雪必命駕相訪時比之郭

林宗

康熙志

康用光古瑞山人自以病蠲舉子業鑿山為室依雲成亭
自製薜裳著詩娛志白首青衿蕭然蓬華所著有荔枝
亭稿四卷熙吟圃四卷見豫章大記康熙志

蕭端岳字次峰南察人工隸書尚書聶豹翰林羅洪先雅
重之各贈以詩康熙志

曾于乾字思健為諸生有名四方爭迎為弟子師路出贛
州會闕以議私鹽久閉羅亦隨阻吉人仰食於贛于乾
抗書謁督府讀其書萬言至屈禮延納開關通糴諸鹽
賈循故事歛厚賞納謝弗顧司李玉華向為同學友下
車懽然道故于乾終華官無私謁羅洪先招處石蓮洞
隱居不出分省人考

泰和縣志 卷二十一 人物 列傳 卅三

按康熙志于乾所著有官議一卷非非國語一卷禹
貢簡傳一卷丹志

鍾高士御史卿密子受學於羅整菴欽順甚器之母病未
嘗頃刻離左右衣不解帶及沒哭泣無時寢食一以禮
漸致羸憊尋疾作卒於樞前萬歷志

王彥臣號月川孝友善詩所著有月川小稿其除夕有感
二律云山村門路一林斜列炬含輝散暮鴉椒酒滿吞
春透腹桃符醉寫筆生义碧壺冰解層層玉庾嶺梅開
樹樹花屈指一年春已過擾人衣食費牽遮擾人衣食
費牽遮一年了却一年加風霜脚板愁無定塵垢頭顱
癢未爬爆竹驟聞春滿耳梅花細嚼雪寒牙溪山幾幅

無人畫冷落孤松隱暮霞

府志

按唐伯元萬曆志云泰邑孝友若李侑楊寬敦樸若劉輓歐陽軾恢廓若歐陽昌剛潔若陳克用陳秉德蕭可教狷介有斐若曾于乾羈旅談經若王應電詩若楊燮蕭庭蕭輝文若曾愷羅夢傳各以學行負其異於時同采其稍著者於篇其事雖不可詳猶獨存其大都以續隱逸之例今考諸人為舊志已載者並存之其無事實可見者無從采訪姑摘唐志附錄於

此再志

張時謹字梅巖秀溪人性穎敏弱冠時著有春秋要旨登成化二年進士授興寧令有賢聲調耒陽令政修民化

泰和縣志

卷二十一 人物

列傳

三十四

將擢為御史以沂州守缺其地歲饑盜起亟需良牧命時謹補之加意撫綏流離來歸卒於官所著有梅巖集

康熙志

歐陽誥字賜之蜀江人宏治十五年進士授南工部主事

遷文選司郎中擢金華守有惠政會御史按郡務深刻立譽為辯不應死者數人忤意調漢陽至則首禁楚府官校奪民湖利曾築湖堤捍禦土人名歐公堤陞山東鹽運使子塾既登第遂致政歸居家三十餘年置義田立家約捐渡關衢施藥埋骼既卒鄉里德之

萬曆志

李穆字元載以虎賁左衛軍餘中應天府鄉試任南樂縣訓導所著有寄寄集八十卷寄寄其自號也又輯泰邑

志十四卷同邑尹直羅璟為序

宏治志

歐陽塾誥子字宗儒登嘉靖五年第為刑部主事改禮部歷陞應天府尹曾議賑饑民疏奏未報罄發公廩便宜借貸活人甚多秩滿乞歸用薦超陞工部右侍郎踰年以丁繼母憂歸平日慕羅整菴欽順之為人卒贈右都御史

萬曆志

按塾通志作塾宗儒府志作崇儒

歐陽乾元蜀江人御史雲之子以嘉靖元年鄉薦為廣德知州歷河間同知持躬廉靜官至刑部郎子昌為邑諸生受學羅文恭洪先之門廓達有志節

王宗尹字商甫南富人少喪父甚貧與其兄謀曰兄為小泰和縣志

卷二十一

人物

列傳

三十五

鬻販我為童蒙師資以養母領嘉靖九年鄉薦絕跡公門約同志創書院以居四方學者初通判杭州攝錢塘篆值歲凶貸粟富室設廠分賑或勸引嫌宗尹曰吾為民救死安計毀譽同列中果有嫉之者中以飛語適遷泗州守去御史聽嫉者言疑其事上於銓部時宗尹以應覲至銓部已列黜矣其日大計宗尹挺然立庭下白其受寬之故觀者駭愕後出其薦章觀之得調永州在泗在永皆有惠政而疏豁種馬及還當道發糶之銀尤人所難者尋承檄勦苗寇功當得超擢卒中忌者乃轉知荆門州遂棄官歸久之苗復熾總督張嶽辟叅軍務特奏補道州尹乃復出未幾擢貳常德卒其家居與族

兄貞善篤於孝友時稱二王

康志

王宗徐宗尹從弟嘉靖鄉舉為御史歷開封安慶守所至有惠政崇祀安慶名宦性孝友其俸產悉均於兄弟志劉逢愷嘉靖二十年進士令慈谿明達善斷庭無留獄有婦與所私殺其子反以賊殺求治逢愷察婦無戚容心疑訊之吐實同郡諸邑以慈獨無山稅請均逢愷曰山已採茶入貢故寬上供尺土耳如稅當平等茶請均之諸邑語塞與諸生講南軒慈湖之學宗旨大暢仕終太僕少卿

浙江名宦志

按萬歷志逢愷為王宗尹門人宗尹卒逢愷追思之每語弟子曰我生平雖不得大用然或無甚愧於人

泰和縣志

卷二十一人物

列傳三十六

蓋得師友之力大約謙抑謹慎之意多責人望人之意少則遠大可到時稱為名言

丹志

曾于拱字思極嘉靖二十年進士授工部主事進郎中歷副使叅政左右布政使擢副都御史總督糧儲致仕其在閩也當倭寇誣諸道兵雲集于拱蒿目焦思百計取盈士各宿飽嘗言平賦均徭莫善條鞭弭盜安民莫善保甲所至必舉行之有文集若干卷

分省人物考

歐陽烈字懋之蜀江人嘉靖舉人授松陽安丘二縣學擢工部主事會蘆溝橋圯特資專理進虞衡員外郎兩奉璽書督理河道築堤通漕民皆稱便遷高州太守平賦役謹旱澇釋繫囚薄追贖招復逋亡白民寃獄醫藥濟

因輯禮齊民士習翕然丕變後姪餘慶復守是郡耆民猶述其德政著有格菴文集志

王如瓚字子薦南富人嘉靖丁酉舉人任淮安同知尋改

蘇州先後攘却倭寇功稱最而解常熟之圍奏大倉之

捷尤其難者進工部郎中出守廉州省徭役剔姦蠹清

田丈修學宮民甚德之歸後家具蕭然敝廬數椽服御

飲食若布衣所著有星岡別錄讀史纂要子一乾隆慶

五年進士歷官浙江布政終應天府尹亦以清介著志

王託字有訓地街人文端公直之後弱冠聞王守仁良知

之旨深契於心嘗就質桐江謁羅洪先師事之又與羅

欽順歐陽德胡直交相討論得學正宗伯暉無嗣託繼

泰和縣志

卷二十一 人物

列傳 三十七

之前後八九喪致哀盡禮稱為純孝康熙志

胡直字正甫義禾人自少好讀古書師事歐陽德羅洪先

嘗曰自捉髮時好攻文辭既壯有子雲悔少之嗟直指

獨知二字為入德慎修之地其見性如此嘉靖丙辰成

進士授刑部主事時嚴嵩柄政以同鄉欲引為重直守

正不附出為湖廣僉事領湖北道晉四川叅議尋以副

使督學四川乞歸詔起湖廣督學移廣西叅政廣東按

察使疏乞終養起福建按察使著閉關錄翊全錄太虛

軒稿求仁志鞭後錄困學日記補過日錄衡廬精舍詩

文學者稱廬山先生郭子章廖同春鄒元標皆出其門康熙

志按康熙志叙履歷未詳明茲據明儒學案改正

郭子章字相奎冠朝人隆慶三年由恩貢舉順天登辛未
進士授建寧府推官與過峻嶺有一猿號寃甚哀指其
處發掘得尸按治之人稱神明為潮州知府驅獨鬼著
有異政督學四川文習丕變歷浙江叅政山西按察使
皆有異績陞任湖廣福建布政予告歸時播苜楊應龍
恃功驕蹇不法糾苗倡亂黔蜀楚三省望風摧陷命子
章以副都御史巡撫貴州同總督李化龍舉用劉鋹為
提督屢出奇制勝是時餉訕不繼黔亂無民可派借楚
蜀閩餉數十萬皆子章經畫賊東破重安遂圍興隆子
章發鎮筸及貴陽兵救援賊兵始退後又寇龍泉子章
任楊惟中為都司卒得其力誓師進討檄數應龍十大

泰和縣志

卷二十一 人物

列傳 三十八

罪設壇北門集文武將吏土漢官兵而告以文忠憤感
激人思自効左監軍楊寅秋本同邑人乃與同心一力
期必滅賊進圍海龍固克之應龍自經死妻子惡黨盡
獲俘斬無算於是李化龍上露布表子章第一先是安
酋與楊酋世姻聲勢依倚眾皆疑安氏為助欲併勦之
子章欲慰安安氏心使為朝廷用故廷臣疏子章為總
督而上仍用為巡撫必得公而安酋始無患也貴陽兵
後大饑死徙甚眾乃疏請湖廣長衡彬等府州縣欠協
濟貴州糧銀七萬八千餘兩於內准發賑濟民賴以甦
其後播逆餘黨有皮林及遵義有吳洪平越有路苗皆
子章蕩平前後叙功加太子少保兵部尚書子襲錦衣

衛府志

按萬歷志稱子章才本天授識卓人羣嘗與王塘南胡廬山鄒南臯講學於青原白鷺之間主於倡明正學宦蹟所至隨地著書燕閩晉粵蜀浙吳楚皆有草及平播錄易解行世又有豫章大記一百卷

冉志

楊寅秋字義叔士奇七世孫萬歷癸酉舉於鄉明年成進士仕東莞令秩滿行取授雲南道御史疏免南海餉數萬又疏罷吏部尚書王國光舉朝憚之出為浙江僉事督水利監屯時倭寇掠寧波寅秋遏之海岸遷貴州叅議分守新鎮值答干苗阿奇等劫掠屯堡寅秋誘斬之而撫阿傍阿斗等諸苗悉靖陞雲南副使丁改土夷補

泰和縣志

卷二十一 人物

列傳

三十九

應春等猖獗寅秋率叅將鄧子龍提兵擊之斬首數千級降其衆應春伏誅而丁改平尋補廣西副使備兵左江五山峒苗韋成集諸峒四出劫掠一鼓斬之并殲其黨高南黎莫二酋構兵各遣使叩闕寅秋曰莫逐黎為纂弒黎逐莫為恢復今計毋拒黎欸毋斬莫祀其可乎疏聞上許之寅秋與黎期登昭德臺設幄召黎王維潭諭之曰莫祀未可斬也其處以高平毋相侵遣使進欸上封黎爵賜寅秋進階一級用是全活數十萬人黎人感德廟祀左江父老亦崇祀於邕又北陀僮首黃朝田等糾衆肆叛上命進兵寅秋撫勦並用次第伏辜會播酋叛即擢貴州按察使與巡撫郭子章協力刻期殄滅

播州宣慰安隴澄願效前驅寅秋率師繼進督戰圍下
凡四十日屢戰屢捷奪鳳凰山破土城月城應龍死賊
平以疾告休抵家卒贈大僕寺正卿廕其孫學恭所著
有臨臯集康熙志

楊寅冬字貞淑寅秋弟邑水暴漲寅秋未葬棺被漂沒寅
冬抱棺隨流上下得舟人救乃免年九十三而卒遺命
將孝經一卷殉葬著有白雲篇存古錄興孝編歷代史

彙

康熙志

馬象乾南溪人本姓曾即學士彥之曾孫幼孤而貧育於
廣東連州馬元東家中經魁登萬歷五年進士由翰林
改御史與何出光等劾論大監張鯨等竊權納賄并參
泰和縣志

卷二十一

人物

列傳

四十

申許王三閣臣阿縱失職連章抗疏名震西臺又因星
變進諫力陳修省巡按山西以病告歸奉旨復姓并封
所生之親康熙志

曾汝召字棠柴萬歷二十九年進士出宰吳縣陞兵科給
事中立朝正色不避權貴時魏璫恣肆抗疏進諫遂擢
其怒削籍歸里後逆璫被誅進太常寺卿康熙志

蕭基號如城南溪柳塘人萬歷三十八年進士以諫垣論
事忤逆璫出為巡海道副使崇禎元年閩盜攻昌國石
蒲爵溪諸處基親督兵破之賊遂遁郡境無虞浙江名官志

楊嘉祚字邦隆寅秋仲子舉萬歷丙辰進士初任兵部主
事出為揚州知府會邊疆失守維揚震驚嘉祚日夜調

度巡視壁壘撫定居民數月稱治適白蓮寇發復設備以待賊懼宵遁時魏閹黨崔呈秀巡淮楊索賂數千金嘉祚力拒之適臺臣交薦遷廣西副使備兵左江交南負固貢復絕嘉祚馳檄責讓遂款關請服嘉祚出受降城納款勒盟而還論功進秩而呈秀憾未已被譖奪職崇禎朝復官力辭不起築室西郊曰無伴塢結茅玉華曰莖草龕素善真行書筆法道勁而墨竹尤工所著有廣陵濤諸經論解康熙志

按康熙志又稱交南負固嘉祚父寅秋綏來納貢交人廟祀之未幾復絕至嘉祚申盟納款黎感之並祀於廟志

秦和縣志

卷二十一 人物 列傳 四十一

溫景武溪人同巡檢劉茂勦程鄉賊寇死於陣與茂同祀祭副使汪一中祠志

匡元滾文溪人汪一中戰死縣令楊應東被困馬纓岡元滾率眾赴援潰圍奪令歸賊始遁志

蕭士瑋字伯玉河南郡丞一傑之子幼而英越目光炯炯讀書十行俱下登萬歷丙辰進士仕行人崇禎初冊封秦藩再命使琉球請辭謫光祿典簿出為府僚尋改評事轉禮部主事遷吏部自文選歷考功進光祿少卿拜太常寺卿嗣因染恙辭疾歸里闡春浮園闡大乘起信所著有春浮園集康熙志

按府志稱士瑋為南禮部主事江寧諸僧寺習為浮

競詩酒紈袴轉相慕效士瑋一繩於法風度簡遠為
園於柳溪選石置亭極林泉之勝閉戶著書未嘗一
接雜賓弟士瑀士珣皆好學能文通志士瑋入

國朝人物內志

康承祐字啟祥七歲給水拾薪以供母爨一日抱甕行汲
墮深池中母聞號泣謂必溺死少頃若有物負之而出
又大雪入山掃葉遇虎以所持竹竿格虎虎繞匝而去
長從胡直遊以教為業康熙志

高應崗隨父中賢仕燕任滿歸過濟寧父為寇執應崗大
呼曰老父薄宦囊無一錢賊欲殺其父應崗以身蔽父
泣曰寧殺我竟死賊刃父獲免康熙志

泰和縣志

卷二十一 人物 列傳 四十二

曾珪字信玉邑西人父任卿遊贛忘歸母匡氏遣珪尋父
過於橫浦山中給以先回我當後至馳歸報母母曰彼
授異人術必不歸矣如期往果已他適不知所之珪擔
簪躡屨遍尋不得乃刻木像斷指塗血常置諸懷匡氏
堅持苦節歷久不渝年八十有一發疽而死珪哭泣廬

墓詔旌其孝康熙志

周克超字子卓天性孝友父歿守殯隣火災延超扶柩號
泣誓與俱焚燎鬚髮毀左目而不去須臾風返得以保
屋遠近歎為孝子萬歷間崇祀建坊康熙志

蕭廷對字觀我鳳岡人萬歷間以舉人授助教出守石屏
政尚寬平操守廉潔重農築堰置三社倉儲粟備荒興

學課士創立東南北三城樓後祀名宦雲南名宦志

曾裕字升伯匡原人巨鼻豐髯個儻不羣天啟四年領鄉

薦崇禎七年授應天高淳諭擢成都郫縣兼攝灌縣事

郭灌當獻賊之後公廨民居盡遭劫火裕至修署建學

招集流離漸次成邑先是江堰潰六州二十五縣皆罹

其害裕攝灌經營修築以瀦滙決民甚德之宋時裕祖

安強提舉成都嘗平決灌水民懷其惠作均水記數百

年後裕復踵其事會逢國難以一令終時論惜之康熙志

楊仁愿字内美二歲喪父承母訓力學成名由崇禎進士

授大理評事陞御史出巡兩淮清稅蘇困歷有政績初

名學愿因惡宋時楊愿柔媚奸險疏改仁愿云康熙志

秦和縣志 卷二十一 人物 列傳 四十三

曾大奇字靖甫匡原人自幼好挾刀劍入山逐獸又喜撩

灑水族年十七始發憤破產購異書讀之曉夜忘疲三

十始游庠時方為骫骳之文而大奇倡明正學士咸宗

之然試輒不利竟厄一第晚築溪園肆力詩古文所著

有通翼篇行世遺稿續易解詩文雜著子文饒字堯臣

有文名著有浣花小品康熙志

蕭子建字繡虎寺下人為人温醇澹樸若不能言語忠孝

大節慷慨激昂厄於科名以明經老與曾文饒堯臣康

范生小范歐陽友奇無奇合社齊名陳列經史證論得

失所著有介園集書經纂註康熙志

羅惟善字淑士文莊公欽順之後年十二赴郡試命作適

周問禮論授筆立就郡守奇之好學博物負笈問奇者踵至生平慎然諾寡言笑惟願樂見善人樂聞善事樂道善言樂行善願因號四樂性喜梅有梅花百韻又喜蘭取古詩騷辭詠蘭者置案上自號友蘭所著有綱目發明補養正齋蒙談易經爻象證醒世箴言子懋章與廬陵張貞生友善有文名康熙志

廖應宣崇禎歲貢官南城教諭 大兵克建昌宣抱印明

倫堂端坐不屈亂矢入胸帶鏃而死縣冊

彭靄月池桃源人邑庠生大學士楊廷麟辟為推官守贛

州狗難死縣冊

曾世忠大學士楊廷麟辟為贛州後營守備奉令守勇軍

泰和縣志 卷二十一 人物 列傳 四十四

門丙戌年十月遇 大兵克贛州城破世忠身中五矢

僵立不仆爭前執之乃知已死縣冊

李之梁文溪人明季死難贛州與彭靄同投清水塘縣冊

羅守鑑死難虔州與彭靄同投清水塘著有皇極考醉吟

樓集縣冊

龍嘉震甘竹人崇禎壬午舉人授中書閣部楊廷麟監軍

萬元吉守贛時辟為叅議城陷楊萬並死嘉震殉焉初

母王氏病劇嘉震割股和羹飲母病尋愈中丞林一桂

表其門曰孝梅重馥至是死節總錄考

李時獻字自得文溪人博通經史善書法工詞賦手錄綱

鑑正史二十冊以涑水紫陽為宗陳眉公繼儒稱為史

學善本作文序之有欲薦舉者力避不就自號玉峯著
有晚芳園集子有先字伯開與父齊名有西溪集康熙
康穀字甫田文溪人嘗勸富民設粥賑饑於心田寺由選
貢授永豐訓導陞翁源知縣會甲申之變棄官隱山自
號大歇老人所著有書經註疏康熙
歐陽鵬蜀江人豪宕不羈大有文名採府志增入

秦和縣志卷二十一終

秦和縣志

卷二十一 人物

列傳

四十五